

Bil Cyfraith Statud (Diddymiadau) (Cymru)

[DRAFFT]

CYNNWYS

- 1 Diddymiadau a diwygiadau eraill
- 2 Enw byr a dod i rym

Yr Atodlen

Bil Cyfraith Statud (Diddymiadau) (Cymru)

[DRAFFT]

Deddf gan Senedd Cymru i hyrwyddo hygyrchedd y gyfraith statud drwy ddiddymu, o ran Cymru, ddeddfiadau penodol nad ydynt bellach o ddefnyddioldeb ymarferol neu o fudd, ac i wneud darpariaeth arall mewn cysylltiad â diddymu'r deddfiadau hynny.

Gan ei fod wedi ei basio gan Senedd Cymru ac wedi derbyn cydsyniad Ei Fawrhydi, deddfir fel a ganlyn:

1 Diddymiadau a diwygiadau eraill

Mae'r Atodlen yn cynnwys –

- (a) diddymiadau o ddeddfiadau penodol (sydd yn cynnwys diwygiadau i'r deddfiadau hynny fel nad ydynt yn gymwys i Gymru) nad ydynt bellach o ddefnyddioldeb ymarferol neu o fudd;
- (b) darpariaeth mewn cysylltiad â'r diddymiadau hynny.

2 Enw byr a dod i rym

- (1) Enw'r Ddeddf hon yw Deddf Cyfraith Statud (Diddymiadau)(Cymru) 2023.
- (2) Daw'r Ddeddf hon i rym ar y diwrnod drannoeth y diwrnod y caiff y Cydsyniad Brenhinol.

YR ATODLEN

RHAN 1

BYRDDAU DATBLYGU GWLEDIG

Deddf Amaethyddiaeth 1967 (p. 22)

- 1 (1) Mae Deddf Amaethyddiaeth 1967 wedi ei diwygio fel a ganlyn.
- (2) Yn adran 45(1), ar ôl “area” mewnosoder “in England”.
- (3) Yn adran 45 hepgorer is-adran (10) (Byrddau Datblygu Gwledig: ystyr “appropriate Minister”).
- (4) Yn adran 46(3) (swyddogaethau Byrddau Datblygu Gwledig) hepgorer y geiriau o “, and, in relation to Wales,” hyd at y diwedd.
- (5) Yn adran 49(8) (rheoli gwerthu tir penodol), ym mharagraff (i) o’r diffiniad o “appropriate tribunal” hepgorer “and Wales”.
- (6) Yn adran 50(3)(g) (rheoli gwerthu tir: eithriadau) hepgorer “ the Natural Resources Body for Wales”.
- (7) Yn adran 51 hepgorer is-adran (8) (cynlluniau ad-drefnu neu gyfuno: ystyr “appropriate Minister”).
- (8) Yn adran 52 hepgorer is-adran (16) (apelau: ystyr “appropriate Minister”).
- (9) Yn adran 54 hepgorer is-adran (5) (cyfarwyddydau: ystyr “appropriate Minister”).
- (10) Yn adran 57(1) (dehongli Rhan 3), yn y diffiniad o “appropriate forestry authority” hepgorer “and the Natural Resources Body for Wales in relation to Wales”.
- (11) Yn adran 75(2) (dehongli), yn y diffiniad o “local authority” hepgorer “, in Wales, the council of a county or county borough”.

Deddf Llywodraeth Leol (Cymru) 1994 (p. 19)

- 2 Yn Atodlen 16 i Ddeddf Llywodraeth Leol (Cymru) 1994 (diwygiadau canlyniadol), hepgorer paragraff 30.

Deddf Llywodraeth Cymru 2006 (p. 32)

- 3 Yn Atodlen 3A i Ddeddf Llywodraeth Cymru 2006 (swyddogaethau Gweinidogion y Goron etc. sy’n arferadwy yn gydredol neu ar y cyd â Gweinidogion Cymru), yn y tabl ym mharagraff 1(2), hepgorer y cofnod ar gyfer Deddf Amaethyddiaeth 1967.

RHAN 2

ARDALOEDD PARTHAU MENTER

Deddf Llywodraeth Leol, Cynllunio a Thir 1980 (p. 65)

- 4 (1) Mae Atodlen 32 i Ddeddf Llywodraeth Leol, Cynllunio a Thir 1980 (parthau menter) wedi ei diwygio fel a ganlyn.

- (2) Ym mharagraff 1 –
 - (a) yn is-baragraff (1) –
 - (i) hepgorer “and Wales”;
 - (ii) hepgorer paragraff (aa);
 - (b) yn is-baragraff (3), hepgorer “county, county borough”.
- (3) Ym mharagraff 2(2)(a), hepgorer is-baragraff (iia) (ond nid yr “and” ar ei ôl).
- (4) Ym mharagraff 7(2) hepgorer “and Wales”.
- (5) Ym mharagraff 26(2) hepgorer “and Wales” yn y ddau le.

Deddf Llywodraeth Leol (Cymru) 1994 (p. 19)

- 5 Yn Atodlen 16 i Ddeddf Llywodraeth Leol (Cymru) 1994, ym mharagraff 59(9) (diwygiadau i Ddeddf Llywodraeth Leol, Cynllunio a Thir 1980 (p. 65)) –
 - (a) hepgorer paragraffau (a) a (b);
 - (b) ym mharagraff (c), hepgorer y geiriau o “and after” hyd at y diwedd.

Deddf Cartrefi Symudol (Cymru) 2013 (dccc 6)

- 6 Yn adran 39(4) o Ddeddf Cartrefi Symudol (Cymru) 2013 (dehongli), hepgorer “, ac mae unrhyw gyfeiriad yn y Rhan hon o’r Ddeddf hon at ganiatâd cynllunio yn cynnwys cyfeiriad at ganiatâd cynllunio y bernir ei fod wedi ei roi neu a roddwyd ar ddynodi parth menter o dan Atodlen 32 i Ddeddf Llywodraeth Leol, Cynllunio a Thir 1980”.

RHAN 3

YMDDIRIEDOLAETHAU GWEITHREDU TAI

Deddf Tai 1988 (p. 50)

- 7 Yn Rhan 3 o Ddeddf Tai 1988 (ardaloedd ymddiriedolaethau gweithredu tai) –
 - (a) yn adran 60(1), ar ôl “land” mewnosoder “in England”.
 - (b) yn adran 61, hepgorer is-adrannau (1) a (6).
 - (c) yn adran 66(4) –
 - (i) ym mharagraff (a) hepgorer “Wales”;
 - (ii) ym mharagraff (b) ar ôl “land” mewnosoder “in England”.
 - (d) Yn Atodlen 8, ym mharagraff 5, yn lle is-baragraff (3) rhodder –
 - “(3) Any sums required by the Treasury for fulfilling a guarantee under this paragraph are to be charged on and issued out of the Consolidated Fund.”

Deddf Cynllunio (Sylweddau Peryglus) 1990 (p. 10)

- 8 Yn adran 3(5C) o Ddeddf Cynllunio (Sylweddau Peryglus) 1990 hepgorer “or (5)”.

Deddf Llywodraeth Leol (Cymru) 1994 (p. 19)

- 9 Yn Atodlen 8 i Ddeddf Llywodraeth Leol (Cymru) 1994 hepgorer paragraff 9(1) (diwygiad i Ran 3 o Ddeddf Tai 1988 (p. 50)).

Deddf Llywodraeth Cymru 1998 (p. 38)

- 10 Yn Atodlen 17 i Ddeddf Llywodraeth Cymru 1998 hepgorer paragraff 3 (ymddiriedolaethau gweithredu tai yng Nghymru).

Deddf Llywodraeth Cymru 2006 (p. 32)

- 11 Yn Atodlen 10 i Ddeddf Llywodraeth Cymru 2006 hepgorer paragraff 33 (mewnosod paragraff 5(3) yn Atodlen 8 i Ddeddf Tai 1988) a'r pennawd italig o'i flaen.

Deddf yr Heddlu a Chyfiawnder 2006 (p. 48)

- 12 Yn adran 53(9) o Ddeddf yr Heddlu a Chyfiawnder 2006 hepgorer paragraff (c) (mae "relevant Welsh landlord" yn cynnwys ymddiriedolaethau gweithredu tai).

Deddf Ymddygiad Gwrthgymdeithasol, Troseddu a Phlisma 2014 (p. 12)

- 13 Yn adran 20(1) o Ddeddf Ymddygiad Gwrthgymdeithasol, Troseddu a Phlisma 2014 (dehongli etc.), yn y diffiniad o "housing provider", ar ddechrau paragraff (b) mewnosoder "in relation to England,".

Deddf Dadreoleiddio 2015 (p. 20)

- 14 Yn Atodlen 22 i Ddeddf Dadreoleiddio 2015 hepgorer paragraff 9 (dynodi ardaloedd ymddiriedolaethau gweithredu tai: ymgynghori o ran Cymru) a'r pennawd italig o'i flaen.

RHAN 4

CYNLLUNIAU LLEOL A CHYNLLUNIAU STRWYTHUR: TREFNIADAU TROSIANNOL

Deddf Cynllunio Gwlad a Thref 1990 (p. 8)

- 15 Yn Atodlen 2 i Ddeddf Cynllunio Gwlad a Thref 1990, hepgorer Rhan 1A (cynlluniau datblygu: darpariaethau trosiannol o ran Cymru).

Deddf Llywodraeth Leol (Cymru) 1994

- 16 (1) Mae Deddf Llywodraeth Leol (Cymru) 1994 wedi ei diwygio fel a ganlyn.
(2) Yn adran 20 (cynlluniau datblygu unedol a Pharciau Cenedlaethol), hepgorer is-adrannau (2) a (3)(b) ac (c).
(3) Yn Atodlen 5 (cynlluniau datblygu unedol yng Nghymru), hepgorer Rhannau 2 a 3.
(4) Yn Atodlen 17 (darpariaethau arbed a darpariaethau trosiannol), hepgorer paragraffau 16 a 17.

Deddf Cynllunio 2008 (p. 29)

- 17 Yn adran 204 o Ddeddf Cynllunio 2008 (Cymru: darpariaeth drosiannol mewn perthynas â thir o dan falltod) –
- (a) yn is-adran (1), yn lle “1 to” rhodder “3 and”;
 - (b) yn is-adran (2), hepgorer “1, 2,”;
 - (c) yn is-adran (3) –
 - (i) hepgorer paragraffau (a) a (b);
 - (ii) ym mharagraff (c), hepgorer “in the case of land falling within paragraphs 3 or 4 of Schedule 13 to TCPA 1990,”;
 - (d) yn is-adran (5), yn lle “1 to” rhodder “3 and”.

Gorchymyn Deddf Cynllunio a Phrynu Gorfodol 2004 (Cychwyn Rhif 6, Darpariaethau Trosiannol ac Arbedion) 2005 (O.S. 2005/2847)

- 18 Yn Atodlen 2 i Orchymyn Deddf Cynllunio a Phrynu Gorfodol 2004 (Cychwyn Rhif 6, Darpariaethau Trosiannol ac Arbedion) 2005, yn lle “Part 2” rhodder “Part 2 except section 28A”.

RHAN 5

POLISIÂU YNNI MEWN CYNLLUNIAU DATBLYGU

Deddf Cynllunio ac Ynni 2008 (p. 21)

- 19 Mae Deddf Cynllunio ac Ynni 2008 wedi ei diwygio fel a ganlyn.
- 20 Yn adran 1 (polisiau ynni) –
- (a) yn is-adran (1), hepgorer “, a corporate joint committee may in their strategic development plan, and a local planning authority in Wales may in their local development plan,”;
 - (b) yn is-adran (2), yn y diffiniad o “energy efficiency standards”, yn lle “appropriate national authority”, yn y ddau le, rhodder “Secretary of State”;
 - (c) hepgorer is-adran (3);
 - (d) yn is-adran (4) –
 - (i) ym mharagraff (a) hepgorer “, in the case of a local planning authority in England”;
 - (ii) hepgorer paragraffau (aa) a (b);
 - (e) hepgorer is-adran (b).
- 21 Yn adran 2 (dehongli), hepgorer y diffiniad o “corporate joint committee”.

Deddf Cynllunio (Cymru) 2015 (dccc 4)

- 22 Yn Atodlen 2 i Ddeddf Cynllunio (Cymru) 2015, hepgorer paragraffau 30 a 31 (diwygiadau i adran 1 o Ddeddf Cynllunio ac Ynni 2008) a’r pennawd italig sy’n dod o’u blaenau.

Deddf Llywodraeth Leol ac Etholiadau (Cymru) 2021 (dsc 1)

- 23 (1) Mae Atodlen 9 i Ddeddf Llywodraeth Leol ac Etholiadau (Cymru) 2021 wedi ei diwygio fel a ganlyn.
- (2) Hepgorer paragraff 12(f) (diwygio Atodlen 2 i Ddeddf Cynllunio (Cymru) 2015 (dccc 4)).
- (3) Hepgorer paragraffau 40 a 41 (a) (diwygiadau i Ddeddf Cynllunio ac Ynni 2008 (p. 21)).

RHAN 6

Y DROSEDD O SYMUD YMAITH BRIDD HEB GYDSYNIAD

Deddf Tir Amaethyddol (Symud Ymaith Bridd Arwyneb) 1953 (p. 10)

- 24 Yn adran 1 o Ddeddf Tir Amaethyddol (Symud Ymaith Bridd Arwyneb) 1953 (y drosedd o symud ymaith bridd heb gydsyniad), ar ôl is-adran (3), mewnosoder –
- “(4) The reference in subsection (1) of this section to agricultural land does not include agricultural land in Wales”.

RHAN 7

AD-DREFNU LLYWODRAETH LEOL

Pwyllgorau gwasanaethau cymdeithasol

- 25 Yn adran 101 o Ddeddf Llywodraeth Leol 1972 (p. 70) (cyflawni swyddogaethau), hepgorer is-adran (10A).
- 26 Yn Atodlen 15 i Ddeddf Llywodraeth Leol (Cymru) 1994 (p. 19) (mân ddiwygiadau a diwygiadau canlyniadol i Ddeddf Llywodraeth Leol 1972), hepgorer paragraff 26.

Y Corff Gweddilliol a sefydlwyd o dan Ddeddf Llywodraeth Leol (Cymru) 1994

- 27 (1) Mae Deddf Llywodraeth Leol (Cymru) 1994 wedi ei diwygio fel a ganlyn.
- (2) Yn adran 25, hepgorer is-adran (9).
- (3) Yn Rhan 5 (ad-drefnu llywodraeth leol Cymru: materion gweddilliol a staff) –
- (a) hepgorer adran 39;
- (b) yn adran 42(3), hepgorer “or the Residuary Body”;
- (c) yn adran 43(1)(a), yn lle “, a new principal council or the Residuary Body”, rhodder “or a new principal council”;
- (d) yn adran 44(2)(a), hepgorer “or to the Residuary Body”;
- (e) yn lle adran 44(2)(b), rhodder –
- “(b) a contract of employment is transferred to a new principal council, if it is treated by any provision made by this Act, or by or under any other enactment, as continued in force with that council on 1st April 1996.”;
- (f) hepgorer Atodlen 13.

- (4) Yn Rhan 6 (darpariaethau trosiannol) –
- (a) hepgorer adrannau 46, 48, 51 a 52;
 - (b) yn adran 54(2)(c), hepgorer “or the Residuary Body” ac “or to the Residuary Body”;
 - (c) hepgorer adran 56.
- (5) Yn Rhan 7 (amrywiol ac atodol), yn adran 64(1) hepgorer y diffiniad o “the Residuary Body”.
- (6) Yn Atodlen 17 (darpariaethau arbed a darpariaethau trosiannol), ym mharagraff 12(4)(a) hepgorer “or of the Residuary Body”.
- 28 Yn adran 14(1) o Ddeddf Rhenti 1977 (p. 42) (buddiant landlord sy’n eiddo i awdurdod lleol etc.), hepgorer paragraff (i).
- 29 Yn adran 33(9) o Ddeddf Llywodraeth Leol (Darpariaethau Amrywiol) 1982 (p. 30) (y gallu i orfodi cyfamodau penodol sy’n ymwneud â thir) –
- (a) ym mharagraff (a) hepgorer “the Residuary Body for Wales (Corff Gweddilliol Cymru)”;
 - (b) ym mharagraff (b) hepgorer “in relation to the Residuary Body for Wales (Corff Gweddilliol Cymru) means Wales”.
- 30 Yn Atodlen 1 i Ddeddf Tai 1988 (p. 50) (tenantiaethau na allant fod yn denantiaethau sicr), ym mharagraff 12(1) hepgorer is-baragraff (gg).
- 31 Yn adran 252(12) o Ddeddf Cynllunio Gwlad a Thref 1990 (p. 8), yn y diffiniad o “local authority”, hepgorer “the Residuary Body for Wales (Corff Gweddilliol Cymru)”.
- 32 Yn adran 19(3) o Ddeddf Cyllid Llywodraeth Leol 1992 (p. 14) (eithriad i esemptiad y Goron), hepgorer paragraff (g).
- 33 Yn adran 79(1) (dehongli Rhan 3) o Ddeddf yr Amgylchedd 1995 (p. 25), yn y diffiniad o “public authority” –
- (a) ar ôl “Local Government Act 1992,” mewnosoder “or”;
 - (b) hepgorer y geiriau o “any joint authority established under section 34” hyd at y diwedd.
- 34 Yn Atodlen 18 i Ddeddf Tai 1996 (p. 52), hepgorer paragraff 30 (diwygiadau i Ddeddf Llywodraeth Leol (Cymru) 1994 (p. 19)).
- 35 Yn Neddf Llywodraeth Cymru 1998 (p. 38), hepgorer adran 150 (diddymu Corff Gweddilliol Cymru).
- 36 Yn Atodlen 7 i Ddeddf Llywodraeth Leol 2003 (p. 26) (mân ddiwygiadau a diwygiadau canlyniadol), hepgorer paragraff 57.

Cynlluniau datganoli a chydweithio o dan Ddeddf Llywodraeth Leol (Cymru) 1994

- 37 Hepgorer Rhan 3 o Ddeddf Llywodraeth Leol (Cymru) 1994 (ad-drefnu llywodraeth leol Cymru: cynlluniau datganoli (sy’n ymwneud â phwyllgorau ardal) a chydweithio.
- 38 Yn Neddf Llywodraeth Leol (Cymru) 1994, yn adran 64(1) hepgorer y diffiniad o “decentralisation scheme”.

- 39 Yn Atodlen 37 i Ddeddf Addysg 1996 (p. 56), hepgorer paragraffau 123 a 124 (diwygiadau i Ddeddf Llywodraeth Leol (Cymru) 1994 (p. 19)) a'r pennawd italig sy'n dod o'u blaenau.

RHAN 8

DATGANIADAU O ANGHENION ADDYSGOL ARBENNIG

Deddf Personau Anabl (Gwasanaethau, Ymgynghori a Chynrychioli) 1986 (p. 33)

- 40 Yn adran 5 o Ddeddf Personau Anabl (Gwasanaethau, Ymgynghori a Chynrychioli) 1986 (asesu anghenion yn dilyn hysbysiad bod personau anabl yn gadael addysg) –
- (a) yn is-adran (1)(a), hepgorer “or section 324 of the Education Act 1996”;
 - (b) hepgorer is-adran (8);
 - (c) yn is-adran (9) –
 - (i) yn y diffiniad o “prescribed”, yn lle paragraffau (a) a (b) rhodder “by the Secretary of State”;
 - (ii) yn y diffiniad o “the responsible authority”, ym mharagraff (c) hepgorer “, or the National Assembly for Wales” ac “or the National Assembly as the case may be”;
 - (d) yn is-adran (10), hepgorer “and Wales”.

Deddf Addysg 1996 (p. 56)

- 41 Ym mharagraff 2 o Atodlen 36A i Ddeddf Addysg 1996 (ystyr “education functions”), yn y cofnod ar gyfer Deddf Personau Anabl (Gwasanaethau, Ymgynghori a Chynrychioli) 1986 hepgorer “or a statement”.

Deddf Gwasanaethau Cymdeithasol a Llesiant (Cymru) 2014 (dccc 4)

- 42 Yn Atodlen 2 i Ddeddf Gwasanaethau Cymdeithasol a Llesiant (Cymru) 2014 (ystyr “swyddogaethau gwasanaethau cymdeithasol”), yn Nhabl 1, yn y cofnod ar gyfer Deddf Personau Anabl (Gwasanaethau, Ymgynghori a Chynrychioli) 1986, yn lle “, 2 a 5(5)” rhodder “a 2”.

RHAN 9

BYRDDAU CYNLLUNIO PARCIAU CENEDLAETHOL

Deddf yr Amgylchedd 1995 (p. 25)

- 43 (1) Mae Deddf yr Amgylchedd 1995 wedi ei diwygio fel a ganlyn.
- (2) Yn adran 64 hepgorer is-adrannau (1) i (7) a (9) (awdurdodau Parciau Cenedlaethol yng Nghymru).
 - (3) Yn adran 65 hepgorer is-adran (4) (swyddogaethau awdurdod Parc Cenedlaethol: Cymru).
 - (4) Yn adran 75(2) (Parciau Cenedlaethol: gorchmynion) hepgorer y geiriau o “; and, except in the case of” hyd at “section 63(2) above”.

- (5) Yn adran 79(1) (dehongli), ym mharagraff (a) o'r diffiniad o "existing authority", hepgorer "or constituted by an order under paragraph 3A of that Schedule or section 2(1B) of the Town and Country Planning Act 1990".
- (6) Yn Atodlen 7, ym mharagraff 14 –
 - (a) hepgorer is-baragraff (2)(b) a'r "or" o'i flaen;
 - (b) hepgorer is-baragraff (4).
- (7) Yn Atodlen 10, ym mharagraff 30 hepgorer is-baragraffau (4) a (5).
- (8) Yn Atodlen 22 (mân ddiwygiadau a diwygiadau canlyniadol) –
 - (a) hepgorer paragraff 42;
 - (b) ym mharagraff 43, yn lle "that Act" rhodder "the Town and Country Planning Act 1990".
- (9) Yn Atodlen 23 (darpariaethau trosiannol a darfodol ac arbedion), hepgorer paragraffau 7, 11 a 15.

RHAN 10

AWDURDOD DATBLYGU CYMRU

Deddf Diwydiant 1979 (p. 32)

44 Mae Deddf Diwydiant 1979 wedi ei diddymu.

Deddf Awdurdod Datblygu Cymru 1997 (p. 37)

45 Mae Deddf Awdurdod Datblygu Cymru 1997 wedi ei diddymu.

Deddf Llywodraeth Cymru 1998 (p. 38)

46 Yn Atodlen 14 i Ddeddf Llywodraeth Cymru 1998 –

- (a) yn Rhan 1 (diwygiadau i Ddeddf Awdurdod Datblygu Cymru 1975 (p. 70)) –
 - (i) hepgorer paragraffau 2 a 3 a'r penawdau italig yn union o'u blaenau;
 - (ii) hepgorer paragraff 5;
 - (iii) hepgorer paragraffau 7 i 9 a'r penawdau italig yn union o'u blaenau;
 - (iv) ym mharagraff 11, hepgorer is-baragraff (3);
 - (v) hepgorer paragraff 12 a'r pennawd italig o'i flaen;
- (b) yn Rhan 2 (diwygiadau i ddeddfiadau eraill) –
 - (i) hepgorer paragraff 13 (diwygio Deddf Cyrff Cyhoeddus (Mynediad i Gyfarfodydd) 1960 (p. 67)), y pennawd italig o'i flaen a'r pennawd italig ar ei ôl;
 - (ii) hepgorer paragraff 15 (diwygio Deddf Datblygu Cymru Wledig 1976 (p. 75)) a'r pennawd italig o'i flaen;
 - (iii) hepgorer paragraffau 17 ac 20 (diwygio Deddf Caffael Tir 1981 (p. 67)).

RHAN 11

BWRDD DATBLYGU CYMRU WLEDIG

Deddf Datblygu Cymru Wledig 1976 (p. 75)

47 Mae Deddf Datblygu Cymru Wledig 1976 wedi ei diddymu.

Deddf Llywodraeth Cymru 1998 (p. 38)

- 48 (1) Mae Deddf Llywodraeth Cymru 1998 wedi ei diwygio fel a ganlyn.
- (2) Hepgorer y darpariaethau a ganlyn (Bwrdd Datblygu Cymru Wledig yn dod i ben a darpariaethau cysylltiedig) –
- (a) yn adran 129, is-adran (1);
 - (b) yn adran 130, is-adrannau (1) a (3) i (5);
 - (c) yn adran 131, is-adrannau (2) i (4);
 - (d) adran 133.
- (3) Yn adran 154 (Gorchmynion a chyfarwyddydau)
- (a) yn is-adran (3)(b), hepgorer “133(3),”;
 - (b) yn is-adran (6)(a), hepgorer “130(4), 133(3),”.
- (4) Yn Atodlen 15, hepgorer paragraff 2 (diwygio Deddf y Comisiynydd Seneddol 1967 (p. 13)).

RHAN 12

AWDURDOD TIR CYMRU

Deddf Llywodraeth Cymru 1998

- 49 (1) Mae Deddf Llywodraeth Cymru 1998 wedi ei diwygio fel a ganlyn.
- (2) Hepgorer y darpariaethau a ganlyn (Awdurdod Tir Cymru yn dod i ben) –
- (a) adran 134;
 - (b) yn adran 135, is-adran (1);
 - (c) yn adran 136, is-adrannau (1) a (3) i (5);
 - (d) adran 139.
- (3) Yn adran 137 (darpariaeth drosiannol sy’n ymwneud ag Awdurdod Tir Cymru yn dod i ben) –
- (a) yn is-adran (1), hepgorer “134 or”;
 - (b) hepgorer is-adrannau (2) i (4).
- (4) Yn adran 154 (Gorchmynion a chyfarwyddydau) –
- (a) yn is-adran (3)(b), hepgorer “139(3),”;
 - (b) yn is-adran (6)(a), hepgorer “136(4), 139(3),”.

RHAN 13

HAWLIAU TRAMWY CYHOEDDUS SYDD HEB EU COFNODI

Deddf Cefn Gwlad a Hawliau Tramwy 2000 (p. 37)

- 50 (1) Mae Deddf Cefn Gwlad a Hawliau Tramwy 2000 wedi ei diwygio fel a ganlyn.
- (2) Yn adran 53 (diddymu hawliau tramwy sydd heb eu cofnodi) –
- (a) yn is-adran (1), ar ôl “applies to a highway” mewnosoder “in England”;
 - (b) yn is-adran (3), ar ôl “public right of way” mewnosoder “over land in England”;
 - (c) yn y pennawd, ar y diwedd mewnosoder “: England”.
- (3) Yn adran 54 (priffyrdd a hawliau tramwy a eithrir) –
- (a) yn is-adran (1)(d), yn lle’r geiriau o “made” hyd at “National Assembly for Wales” rhodder “made by the Secretary of State”;
 - (b) yn is-adran (5)(c), yn lle’r geiriau o “made” hyd at “National Assembly for Wales” rhodder “made by the Secretary of State”;
 - (c) yn y pennawd, ar y diwedd mewnosoder “: England”.
- (4) Yn adran 55 (hawliau llwybrau ceffylau) –
- (a) yn is-adran (1), ar ôl “over any way” mewnosoder “in England”;
 - (b) yn y pennawd, ar y diwedd mewnosoder “: England”.
- (5) Yn adran 56 (terfyn amser ar gyfer diddymu etc.) –
- (a) yn is-adran (2) –
 - (i) hepgorer y geiriau o “(as respects England)” hyd at “(as respects Wales)”;
 - (ii) ym mharagraff (b) hepgorer “or the National Assembly for Wales (as the case may be)”;
 - (b) yn y pennawd, ar y diwedd mewnosoder “: England”.

RHAN 14

DIWYGIADAU AMRYWIOL SY’N YMWNEUD Â DEDDF LLYWODRAETH CYMRU 1998

Deddf Llywodraeth Cymru 1998 (p. 38)

- 51 (1) Mae Deddf Llywodraeth Cymru 1998 wedi ei diwygio fel a ganlyn.
- (2) Yn adran 28 (pŵer Gweinidogion Cymru i orchymyn trosglwyddo swyddogaethau i gyrff penodol) –
- (a) yn is-adran (1) –
 - (i) hepgorer “or II”;
 - (ii) ym mharagraff (b) hepgorer “II or”;
 - (b) yn is-adran (2) hepgorer “or II”;
 - (c) yn is-adran (3) –

- (i) hepgorer “or II”;
 - (ii) hepgorer paragraff (b), a’r “, or” o’i flaen.
- (3) Yn Atodlen 4 (cyrff cyhoeddus y caniateir trosglwyddo eu swyddogaethau) –
 - (a) ym mharagraff 3A, yn lle “The Care Council for Wales” rhodder “Social Care Wales”;
 - (b) hepgorer –
 - (i) paragraff 4 (pwyllgor cynghori i Gymru o dan adran 11 o Ddeddf yr Amgylchedd 1995);
 - (ii) paragraff 8 (Cyngor Gwasanaethau Llyfrgelloedd a Gwybodaeth (Cymru));
 - (iii) paragraff 10 (Bwrdd Croeso Cymru);
 - (iv) paragraff 11 (Awdurdod Datblygu Cymru);
 - (c) hepgorer Rhan 2 (pwyllgorau cynghori i Gymru o dan adran 19 o Ddeddf y Gwasanaeth Iechyd Gwladol 1977 (p. 49)).
- (4) Yn Atodlen 10 (diwygiadau canlyniadol i Ddeddf Comisiynwyr y Gwasanaeth Iechyd 1993 (p. 46) sy’n ymwneud â Deddf Archwilio Cyhoeddus (Cymru) 2004 (p. 23)) –
 - (a) ym mharagraff 3, hepgorer is-baragraff(4);
 - (b) hepgorer paragraff 10;
 - (c) hepgorer paragraff 13;
 - (d) ym mharagraff 14, yn is-baragraff (2), hepgorer y geiriau o “after paragraph (b)” hyd at “and”;
 - (e) ym mharagraff 16, hepgorer is-baragraffau (5), (6) ac (8).
- (5) Yn Atodlen 12 (diwygiadau i ddeddfwriaeth arall sy’n ymwneud â Deddf Archwilio Cyhoeddus (Cymru) 2004) –
 - (a) ym mharagraff 17 (diwygiadau i Ddeddf Llywodraeth Leol 1974 (p. 7)), yn is-baragraff (2) –
 - (i) hepgorer y geiriau o “before “or”” hyd at “and”;
 - (ii) hepgorer y geiriau o “and after” hyd at y diwedd;
 - (b) hepgorer paragraff 21 a 22 (diwygiadau i Ddeddf Iechyd Meddwl 1983 (p. 20)), a’r pennawd italig sy’n dod o’u blaen;
 - (c) hepgorer paragraff 36(b) a’r “and” o’i flaen (diwygiadau i Ddeddf Dadreoleiddio a Chontractio Allan 1994 (p. 40)).
- (6) Yn Atodlen 16 (diwygiadau sy’n ymwneud â diddymu Tai Cymru) –
 - (a) hepgorer paragraff 1 (diwygiad i Ddeddf Cymdeithasau Cyfeillgar a Diwydiannol a Darbodus 1968 (p. 55));
 - (b) hepgorer paragraff 12 (diwygiad i Ddeddf Tai 1985 (p. 68));
 - (c) hepgorer paragraffau 56 a 57 (diwygiadau i Ddeddf Treth Incwm a Threth Gorfforaeth 1988 (p. 1));
 - (d) hepgorer paragraff 68 (diwygiad i Ddeddf Tai 1988 (p. 50));

- (e) hepgorer paragraffau 84 ac, ym mharagraff 96, hepgorer is-baragraffau (1) i (5) ac (8) (diwygiadau i Ddeddf Tai 1996 (p. 52);
- (f) hepgorer paragraffau 98 i 100 (diwygiadau i Ddeddf y Comisiwn Archwilio 1998 (p. 18)) a'r pennawd italig o'u blaen.

Deddf Llywodraeth Cymru 2006 (p. 32)

52 Yn Atodlen 10 (mân ddiwygiadau a diwygiadau canlyniadol) i Ddeddf Llywodraeth Cymru 2006—

- (a) hepgorer paragraff 44 (Comisiynwyr Coedwigaeth);
- (b) hepgorer paragraff 51 (pŵer yr Ysgrifennydd Gwladol drwy orchymyn i wneud darpariaeth ynghylch swyddogaethau Cymreig Asiantaeth yr Amgylchedd);
- (c) hepgorer paragraff 55 (Comisiynwyr Coedwigaeth).

RHAN 15

DARPARIAETH DROSIANNOL MEWN PERTHYNAS Â DEDDF LLYWODRAETH CYMRU 2006

Deddf Llywodraeth Cymru 2006 (p. 32)

53 Yn Atodlen 11 i Ddeddf Llywodraeth Cymru 2006 (darpariaethau trosiannol)—

- (a) hepgorer paragraffau 3 i 7 (etholiadau);
- (b) hepgorer paragraff 9 (cyfnod swydd aelodau'r Cynulliad a etholwyd yn etholiad Cynulliad 2007);
- (c) hepgorer paragraff 11 (anghymhwysio Arglwyddi Apêl Sefydlog);
- (d) hepgorer paragraffau 14 i 19 (trefniadau pellach mewn perthynas ag etholiad 2007 a'r "initial period");
- (e) hepgorer paragraffau 22 i 25 (arfer swyddogaethau cyn penodi'r Prif Weinidog cyntaf);
- (f) hepgorer paragraff 28(1) (dynodiadau o dan adran 2(2) o Ddeddf y Cymunedau Ewropeaidd 1972 (p. 68));
- (g) hepgorer paragraff 29 (y tro cyntaf yr enwebir Prif Weinidog);
- (h) ym mharagraff 35(3), yn Nhabl 1 (rhestr o'r pwerau i wneud is-ddeddfwriaeth y mae'r weithdrefn gadarnhaol yn gymwys iddi), hepgorer —
 - (i) y cofnod ar gyfer adran 20(1) o Ddeddf Pleidiau Gwleidyddol, Etholiadau a Refferenda 2000 (p. 4);
 - (ii) y cofnodion ar gyfer adrannau 96 a 101(1) o Ddeddf Iechyd a Gofal Cymdeithasol (Iechyd Cymunedol a Safonau) 2003 (p. 43);
- (i) ym mharagraff 35(4), yn Nhabl 2 (rhestr o'r pwerau i wneud is-ddeddfwriaeth y mae'r weithdrefn negyddol yn gymwys iddi), hepgorer —
 - (i) y cofnodion ar gyfer adrannau 79S(2) a 79T(2) o Ddeddf Plant 1989 (p. 41);
 - (ii) y cofnod ar gyfer adran 16A(3) o Ddeddf yr Amgylchedd 1995 (p. 25);

- (iii) y cofnodion ar gyfer paragraffau 5(2), 12(2)(d), a 17(2) o Atodlen 7 i Ddeddf Safonau a Fframwaith Ysgolion 1998 (p. 31);
- (iv) y cofnod ar gyfer adran 109(6)(b) o Ddeddf Trafnidiaeth 2000 (p. 38);
- (v) y cofnod ar gyfer adran 20(6) o Ddeddf Pleidiau Gwleidyddol, Etholiadau a Refferenda 2000 (p. 41);
- (vi) y cofnodion ar gyfer adrannau 139(1), 192 a 193 o Ddeddf Addysg 2002 (p. 32);
- (vii) y cofnodion ar gyfer adrannau 94(6), 96 a 101(1) o Ddeddf Iechyd a Gofal Cymdeithasol (Iechyd Cymunedol a Safonau) 2003 (p. 43);
- (viii) y cofnodion ar gyfer adran 18(2)(c) ac adran 21(1) o Ddeddf Archwilio Cyhoeddus (Cymru) 2004 (p. 23);
- (j) hepgorer paragraffau 50 a 51 (Gorchmynion yn y Cyfrin Gyngor sy'n diwygio Atodlen 5 hyd at ddiwedd y cyfnod cychwynnol);
- (k) hepgorer paragraffau 53, 53A a 53B (taliadau i mewn i Gronfa Gyfunol Cymru);
- (l) hepgorer paragraffau 54, 56, 58, 59, 62 a 63 (darpariaethau ariannol sy'n gymwys hyd at ddiwedd y cyfnod cychwynnol);
- (m) hepgorer paragraff 55 (datganiad taliadau amcangyfrifedig ar gyfer y flwyddyn ariannol sy'n dechrau ar 1 Ebrill 2007);
- (n) hepgorer paragraffau 60 a 61 (cynigion cyllidebol mewn cysylltiad â'r flwyddyn ariannol sy'n dechrau ar 1 Ebrill 2007);
- (o) hepgorer paragraffau 64, 64B, 64C, 64F a 64G (Archwilydd Cyffredinol Cymru ac Ombwdsmon Gwasanaethau Cyhoeddus Cymru);
- (p) hepgorer paragraff 65 (darpariaeth drosiannol hyd nes y bydd swydd Adfocad Cyffredinol Gogledd Iwerddon yn cael ei chreu);
- (q) hepgorer paragraffau 66 a 67 (darpariaeth drosiannol hyd nes y bydd y Goruchaf Lys yn cael ei sefydlu).

Deddf y Gwasanaeth Iechyd Gwladol (Darpariaethau Canlyniadol) 2006 (p. 43)

- 54 Yn Atodlen 3 i Ddeddf y Gwasanaeth Iechyd Gwladol (Darpariaethau Canlyniadol) 2006, hepgorer paragraff 10.

RHAN 16

DEDDF ETHOLIADAU CYMRU (CORONAFEIRWS) 2021

Deddf Etholiadau Cymru (Coronafeirws) 2021 (dsc 2)

- 55 Mae Deddf Etholiadau Cymru (Coronafeirws) 2021 wedi ei diddymu.